

Atención a la diversidá Actividaes de refuerzu

(P. 99) Pa en lleendo'l testu

Na segunda metá del 20 de mayu y hacia'l medio del 25, pue observase la rellación del estáu d'ánimu de Xuan Xebro col tiempu que fai. Redacta na llibreta cómo se producen los fechos. Por exemplu:

20 de mayu

A Xuan Xebro púntase-y una sorrisa na cara [...] y, al empar, entra pela ventana un relluguín de claridá. ¡Abren un poco les nubes! ¡Paez que quier escamplar!

(P. 100-103) Falamos y escribimos

1. Escribe na llibreta por qué n'Asturies nun somos monolingües.
2. N'Asturies coesisten, nuna situación de desigualdá, l'asturianu, qu'exerce de llingua B o baxa y el castellanu, que fai de llingua A o alta. Acordies con esto, completa con fleches esti esquema:

	Nun ye oficial
Asturianu	Ye oficial
Castellanu	Tien toles oportunidaes d'usu social
	Tien malo salir del usu familiar

(P. 105) Vocabulariu

Busca dos verbos pa caúna d'estes definiciones:

Llover menudo:.....

Llover fuerte:.....

Llover y nevar o granizar a un tiempu:.....

(P. 106-107) Reflexonamos sobre la llingua

Si entendisti bien tou esti apartáu, van tar bones de contestar estes entruques :

	Sí	Non
1. ¿L'estándar ye una forma acordada?	___	___
2. ¿La llingua estándar ye un modelu uniforme d'afechu?	___	___
3. ¿L'estándar prescinde de los dialectos xeográficos?	___	___
4. ¿La llingua estándar ye un modelu dinámicu?	___	___
5. ¿L'estándar asturianu tien poca presencia pública?	___	___

(P. 108) Ortografía

A esti testu de Xulio Arbesú (*Misión Pelayo*) fálten-y les bes y les uves, pón-yles tu:

Malpenes dormimos naquela nueche. Al amanecerín yá nun llo__ía, aunque pel cielu pasa__en a tou meter nu__es negres qu'amenaza__en tormenta. Dende la __oca del co__achu yéremos a colum__rar tola redolada. De frente ta__a'l cordal ne__áu de Peñasanta. ¿Yera i__iernu ? Non. La __iesca de fayas y re__ollos que fuimos a estremar nel __alle entá caltenía la fueya, pero munchos ár__oles yá destaca__en d'ente'l __erdín con una tonalidad magurienta, lo que yera seña del entamu la seronda.